

四庫全書

集部

欽定四庫全書

集部

石門文字禪卷八

詳校官庶吉士臣汪彥博

侍讀臣孫球覆勘

覆校官庶吉士臣毛鳳儀

校對官主簿臣郭祚熾

謄錄監生臣楊其梓

欽定四庫全書

石門文字禪卷七

宋 釋覺範 撰

古詩

臘月十六夜讀閻資欽提舉詩一巨軸

青燈映窓山月西讀遍賴臯居士詩四蹄雷電駿關

萬文光甚豪放詞古錦濯江有餘麗夜光走盤無價珠

韻高不受富貴縛眼蓋縉紳說林壑一語不合關

大華摩雲森剔卓一往歸心如鳥工十分風味關

沉溟山水柳子厚撥置形骸龐德公攬轡不當

闕

珥筆合在明光宮天牀長哦起曳履旋呵凍筆

闕

寄語公家王坦之爲編乃翁詩集尾

次韻游南臺寺

青原生下一角麟單丁住山須底物試垂一

闕

阿師鉏斧成乾沒凭欄小立與僧語浮雲卷盡千峰出

永懷倔強韓退之南遷正坐譏訶佛山雲開遮良偶然

自詫精神費詩律閭侯愛山得雲饒勝處遲留多記述

慕韓每每手加額見詩未讀壁先拂此公文不數闕
微詞天姿含宋屈

次韻讀韓柳文

賴臯韻秀徹如春在揚柳清遊每見刪題詩闕

篇如用兵曹瞞破張綉神遠付一快竒變愕衆口闕

含至美醇醞兵厨酒柳文馬頓塵驕嘶不忘驟置闕

文中砒砒雜瓊玖同時公與侯富貴可炙手入驚風雲

會自矜時命偶一懽難把玩忽焉成老醜居然成闕

累累增培塿兩公獨如在並驅讓先後文章有耿闕
語置坐右我老坐詩窮犇走營升斗時能吐佳句英華
出枯朽

次韻新化道中

形骸寄簪紳趣味在林麓楚國富山水下車已心足昨
聞入層翠超放等犇鹿情高如謝安舉手弄落瀑恰如
紅粧女弓彎雙屈曲登高發清嘯餘響動林木名山冠
東南佳處數天目以比衡霍勝家雞例野鶩歸來渡湘

江水作鴨頭綠應懷絳翠山歸期何日卜

次韻題貯雲堂

雲蹤不容挽乃曰堂可貯知誰愛嶽色欲以遮藏故嶽
山冠世境自昔廬諸祖道德無鮮陳世相有今古君看
馬駒兒乃是僧中虎

次韻題明白庵

鼻端有餘地世議嗟迫窄君看閻夫子廣莫以爲宅去
宦游人間面有無求色酒闌愛松風醉眼眩紅碧俊爽

類王濟端復有馬癖何當食萬錢四海蒙惠澤湘潭紫
翠間松下偶相逆袖中出新詩苦語涼肺膈夜半來牀
前且以慰窮厄豈真謫仙人何其似太白

和宵行

不眠盥漱罷和衣肱再曲村落雞未鳴部曲炊已足露
行逢遠火盲龜值浮木馬上續殘夢不復較遲速故鄉
夫豈遠隨分有松竹自種橘千奴大勝五斗祿

次韻題子厚祠堂

元和八司馬子厚獨竒偉謫官無以敵妙語凌山翠山
以囚自名谿以愚爲字醉心谿山間勝處無不至至今
永州祠大類羅池祀生存伍猿鳥遺像土偶侍經遊香
火罷感歎追前事才高出不容起坐終夜喟

和茶陵夢覺索燭見懷

聞絃能賞音公獨知雅曲易親復難忘終期老林麓公
如追風驥未見所歸宿嗟余老摧頽翩如啄苔鵠遙知
雙泉上頗亦蒔松菊何時聞夜春並齋著茅屋慧觀友

李源高風當補續便覺雒秀間杖履笑追逐今非茶陵
夢猶欲更秉燭愛公押難韻敏若方破竹

次韻偶題

鈍拙無人著眼看一庵睡快如梁端那知高軒肯過我
終日笑語成盤桓畏公筆力不可敵坐令三峽回奔湍
威稜王節照湘楚誇聲衆口鋒刃攢此篇意氣更傾寫
句法超絕風格完許令賡酬亦不免但恨語帶儒生酸
苦嫌絲竹圍醉枕卧看烟縷凝雕盤雙泉雲樹時到夢

神武門前思挂冠朝來清事亦稠疊野飯蓬窓分小團
人間曲屈多敗意莫辭時此同幽懽

寄題雙泉

閻公立朝時凜然古遺直孤忠捍世波砥柱屹挺特一
旦成千古埋玉秀山側至今山中泉實以配公德欲知
其源深下漲千頃澤沙渠走清快石井湛紺碧壁如澗
與溜相去無尋尺日光每下徹山影必倒植倚攔應忻
然遊鱗見尾脊知誰念純孝滿掬種白石粲然生玉英

冥感吁莫測泉旁有精舍聞多登覽適何時同二老追
逐扶瘦策詩成坐假寐夢歷秋山赤想見環珮清繞除
餘響滴

次韻夏夜

隱几羣動寂池塘浮夕光瓦溝急雨過熏風滿南堂飛
螢忽點衣小立聞荷香東南喜見月微雲復遮藏長哦
頽臯詩清語涼肺腸勁氣終不屈鏌鋹淬光芒高懷寰
宇間蠢蠢犇炎涼斯人古遺直天質自溫良茲夜發遐

想易親復難忘歸田無別意難以納入方

和遊谷山

頽臯擘窠書隼几玉勒銀鈎照林麓山堂聚觀雜賢鄙
人人歡然如所欲獨餘耆年視凝遠就觀尚如隔羅縠
筠牀瓦枕試新涼小雨南風正清熟岸中一笑山谷響
我亦爲君聊捧腹晚晴軒檻亦何有隔屋茶烟度修竹
呼童索紙賦新詩詩成字字清如玉人間何從有此客
滿腹精神真可掬我慚衰老亦作詩譬如菌芝生朽木

和曾倅喜雨之句

清狂平生笑李赤詩慕謫仙名烜赫尤勝曲影傍權門
愛其炎炎手可炙素絲若至晁錯逃熱中未老嗾與噉
猶勝怒及水中蟹不合郭索持雙螯何如一庵聽松雨
潑眼睛窓發茶乳更無俗子作白眼但有水沉橫碧縷
長愛朱生論不卑神明不欺寧自欺買金賞誣豈不美
尚笑世俗今澆漓玉川作詩曾救月退之抵掌誇奇絕
公今又賦喜雨詩詩成肯寄甘露滅氣吐虹蜺辭吐雲才

大端如梁與琴麗如宮華蜀錦色駿却千檣萬馬奔屈
宋宗枝君得髓江左風流復興起試手作詩君勿笑毫
忽增之至弓赫長哦月出湘淹東翰墨場中久策功千
篇翻水不足道絕愛風味如醉翁

次韻過醴陵驛

解鞍成小寢部曲營夜炊此生一寄耳夢幻相拘縻風
殮雜舍者水宿依江湄何時步八埒壓犀簾幕垂三湘
在圖畫開屏供卧披公宜宿玉堂明甚無可疑今復聊

爾耳間作虎頭癡

次韻

先生絳闕姿名字占仙籍妙年取榮名翰墨乃其職而
云賦歸歟戲語吾不逆醉翁昔仙去人間暫休息文字
頗橫流士氣久不懌公實不出後議論有精識冰壺含
青春不容一塵隔吐句如善射字字皆中的佳麗增奇
峭歌側多醉墨高辭敦故舊讀之氣橫臆閱深似退之
頰挫雜拋擲如春飾萬物妙用無罅隙故人困長哦其

節不容擊自昔聞公家諸郎居連壁道學進未艾慶澤
流無斁紛華脫髮棄酌古分陰惜汎觀得其要雲升復
川益孝友如機雲爭攘笑不植聞風方對食不覺起投
筴神交夢成趣意合氣自激廬陵在何許縱望手加額
那知湘江上握手笑墮幘妙處無陳鮮傾盖如夙昔歸
來看屋梁喜極心更惕弟兄定世家富貴已尋遍而我
世憎嫌莫景桑榆迫相從可忘年頑魯幸勿責一懼難
把玩轉顧成陳迹閉門工寢飯且復適吾適遙知不吾

詫頗嘗有此客

次韻游南嶽

退之倔強遷揭陽道經衡山愛青蒼逸羣駿氣不可禦
頓塵初控青絲韁朝雲偶開豈有意妙意放浪高稱揚
我生少小善詩律讀之坐令身世忘竭來結友本上座
南遊私喜初心償橘洲看雪已清絕更擢野航浮碧湘
忽驚萬峰上雲雨走棟飛檐雲雨旁知誰凭欄俯落日
跳丸一笑千岳光紫金雞含一粒粟磨磚作鏡傳遺芳

小庵自披慈忍服十方普熏知見香巉巉玉骨撼不應
但誦妙偈聲琅琅只今般若臺前路過者拳拳加敬莊
我尋遺迹恍自失譬如一葦航渺茫三生爲掃坐禪石
往事令人思建康紹隆佛種有神足九旬妙義談汪洋
當年以法施窮乏無數珠璣曾斗量而今但有樓觀好
再拜顧瞻空涕滂我公王事獲勝踐自謂此樂非尋常
情高賦詩亦感慨十年出處何明詳竹軒莫涼暑雨過
風簷把玩情激昂初如冰輪湧東崦濛濛雲幕方高張

俄如奇兵出不意鐵衣雪刃森堂堂細窺如春在花柳
芳心皺眼開包藏魂驚豪氣立毛髮風檣駕浪奔龍驤
韻如玉色映晴晝清如碧瓦粲曉霜適如醉鄉識歸路
醇如燒春浮玉觴意公前身是太白醉貌宜披雲錦裳
芳津浣匙飯雲子美液澆齒嘗瓊漿吾聞高辭殆天得
寧論結髮翰墨場酸寒鳥迹無足道坐令藉湜仆且僵
皆言筆端有五色不然古錦纏肺腸夜闌掩卷耿不寐
空庭曳履心彷徨譬如三伏黃塵道坐令炎燄欣清涼

又如病鶴長側腦仰看千仞孤鸞翔嗟余膽大亦欲和
韻險恍疑登太行何時坐隅乞詩藁襟量懸知容攫攘
吾恐斯文將斷絕長哦披髮下大荒兒曹乃欲犯矢石
洪鐘何異施蓮芒公如珠玉在淵石榮輝草木皆煌煌
讀其詩律似仙曲不雜人間笙與簧我非賞音空嘆息
擬欲學之嗟未遑遙憐與僧登絕頂意適暗驚人世忙
詩成氣焰如項籍叱吒千人誰敢當自嫌白髮世不要
萬回歌舞聊佯狂盤珠豈有影迹露霧豹不欲文彩彰

那知湘上偶邂逅氣岸欣逢許子將
霜鬢須面一破笑
城隅古寺眠閒房
心知貴賤不同調
且復抵掌談江鄉

闕

暇日陪杖履對公豈敢談文章
茲遊正類羊叔子

湛

闕

與山俱不忘

次韻曾英發兼簡若虛

大曾秀發如層顛
小曾秋水隨方圓
二豪說詩氣曠逸
而我老坐如蹲猿
弟兄駿氣驥墮地
自憐老欲蠶三眠
一庵收身萬事外
但有壞衲長堆肩
會看連壁登集

闕

腰間纍纍金印懸分緣自是公家事安知不秉卿

闕

平生忠義要活國濃笑東川無杜鵑古城野寺

闕

白灰已燼餘凝烟瘴疴未損方曲臂靜如鴻鶴

闕

攀

清詩寄我忽驚矍秀對白鷗春水前長哦曳履

闕

餘韻發越鳴朱絃坐令萬象受控勒知君有筆真如椽
細看字字有根蒂滿掬明珠誰爲穿詩壇從此不

闕

受降君已臨中堅

復次元韻

君家廬嶽蒼崖顛睡足茗盃浮輕園十年不歸空蕙帳
夜鶴哀怨驚曉猿搗來湘尾寄城寺夏簟清涼便晝眠
扣門剝啄誰過我上騰火色仍鳶肩軒然辯論雜今古
不覺前席心旌懸以身殉國愛子布塞門以土推孫

云詩窮少陵老飢寒正坐拜杜鵑遙知鈴齋賓謁

關

紫硯浮松烟作詩寄我對岑寂爲散頑麻雙脚攣
弟兄高才當濟世會看笑揖人主前嗟余百念已灰冷
倦易歛翼爲虛弦粥魚齋鼓日課辦仰屋卧看三條椽

管寧木牀五十載好事空傳膝處穿何如歛目十闕

樹身同金石堅

贈別若虛

殘暑霽巖威新涼釀歸思夢驚聞松聲兩鬢到萬事中
情怯離別此別仍對子追惟初識面寧復計有此明朝
舟洞庭驚浪銀山起醉眼失湘楚妙語凌淮泗我如浮
水葉遇坎當自止行將看荆山歸老鹿門寺今不欠無
言但是欠一死淮山有竒逸要是天下士若問寂音老

煩君一舉似

和陳奉御游梁山

公詩自雄放故我甘雌伏韻高霜月苦洗盡瘴霧毒游
絲映明窓小字爲公錄便覺春爭妍勝氣增林麓永懷
矍鑠翁論兵到精熟子陽井底蛙提耳論禍福歸來得
真主簡易心屈服才高犯衆忌蒼豷致謗讟梁生付一
笑何必較直曲山僧亦何知魚鼓聽齋粥陳侯金閨彥
論清如屑玉南游興未已甚欲乘桴木湘西獨何幸

闕

旆先見辱松間偶相值論交一言足雲山久乾沒賴此
佳句贖

次韻曾韻句游山

夫子謫仙隱於儒仲連太白真其徒梅檀林間法檀度
翰墨場中行秘書譬如山川有珪璧光被草木蒙砥砢
又如羽毛有麟鳳瑞照百鳥藏鸚鵡玉堂金馬未入手
公不自嘆旁人吁獸看朱門森畫戟暇日聊爲山水娛
下車褰衣卻部曲縱望林壑情忻愉朱陵洞口見落石

引手弔雲跳明珠詩成萬象在掌握磨琢無玷如瑾瑜
旁觀十吏不駐足一日萬口傳荆湖南山道人紛

闕

摹寫磬石煩丹朱歸來盡以錄寄我意句不盡情有無
爲公長哦立風檻明月滿軒時卷舒吾聞駿馬日千里
未遭剪拂隨鹽車嗟余駑鈍世鄙笑分甘垂耳同騾驢
世間安得支遁眼畫作嘶風神駿圖

次韻游南嶽題石橋

飛梯上雲雨援臂攀層崑天風吹鬢須茲行非人間幽

泉不知處但聞鳴珮環嶮艱磔清快洄渦走平寬

闕

落萬仞濺雪驚潺潺懸崖忽見寺白晝方掩關境

闕

遐想坐久生清寒山空寂無人鳥啼花不言雲披獻青
嶂風搵爭卷簾

和游南臺

筍輿翩追隨頓撼雜搖兀蒙騰穿聚落超放上巉絕山
腰轉巖嶮部曲失行列身世逐雲輕眼力與天闊撞鐘
千指集樓殿寄林末同來久倦局相向懷抱豁市朝昏

利欲走鹿不忘渴公獨蛻塵埃風蟬妙脫骨盤桓拊孤
松松粉落金屑誰卷青帝雲推出銀蟾闕

和游福巖

雲開見樓閣峯頂知有寺衆峯讓高寒蓋是出其類媧
山下僧譚笑走魔外戲忽於一毫端集此大千界曹溪
正脉深不斷蓋如帶流而至衡霍百川蓄匯滄迺知般
若臺自昔分燈地清游亦不惡俯仰憶前事實構出灰
燼人逝時亦異永懷韓潮州夜與千峯對仙去三百年

音容浮如在妙語落人間斷碑卧榛檜公亦潮州
勢翩已似低摧夙昔心慘愴經游意林高句天成
鄙組繪刻之蒼崖陰與山增勝槩

次韻游高臺

蒼杉三十里不復逢川原忽然在林杪萬峯延目觀長
崖有積雪松聲雜風泉是時春正深風威猶折綿君董
金閨彥而有清淨緣和雲掃車轍引手酌靈源出空破
岑寂笑語答雲煙魯僧作鷹顧驚此佳少年何以比人

品白鷗春水前既非山澤儒亦非地行仙諧峯

闕

千葉開青蓮景淨若有得茲遊良偶然部曲亦欣

闕 誼
譁下層顛歸來念清境依約聞啼猿

次韻見贈

已甘老死長松下賞音乃有如公者謬當大匠許才能
名器從來豈容假但欣一笑說江鄉意氣平生要傾瀉
先生之詩自豪放寒陋心知鄙東野此篇粹然有精思
百鍛良金方出冶汗顏縮手置袖間對公誰敢言騷雅

自憐華髮住江村地偏心遠過從寡
茆簷捫瓦鳥聲寂故絮懸鶉成磊
苴右耳已從前月聾更欲忘言到瘖啞
多生垢習磨未盡公詩又欲臨窓寫
何當看公醉岸幘約束萬象閑揮洒
眼寒獨立梁宋郊一尾追風睇犇馬
讀罷新詩發長歎春色驚回阿練若
浪禿宣毫和不成自笑才慳真注瓦

次韻曾機宜題石橋

公才受斧斤鼻端有餘地一官游人間
窮達置度外著

屐登名山眺覽吞眼界倒傾蛟龍室聊爲翰墨戲搏取
華藏海几間日相對石橋亦何有萬峯作階陞平生冠
世境勝踐得君輩壞壁題新詩一洗俗眼背我本箇中
人久負未歸債我自負名山名山豈余棄

和游南臺

老思垂一足飯想成沙纒頓斧盤石上分燈續螺江坐
令遺蹟地咄嗟成寶坊永懷青松下睡快欣明窓曾侯
有逸韻詩律挾風霜重來拜白塔前身疑姓龐山僧作

巴音聳肩頎而長願施筆供養普熏知見香吾觀三公
子凜然萬夫望何當吐佳句刻石照沅湘

寶月偶值報慈坐中走筆

十年塵土中厥狀浸成俗坐令眠雲衣化作征人服此
行欲買舟尋我舊山谷識君御水傍笑齒璨明玉肅靜
鷺子儀脩拔孝基目殷勤撫道義祖道欲傾覆賴子今
妙年真風跬可續聞之厚自愧所趣在幽獨君言如不
欺是亦含生福須臾讀君詩氣韻麗可掬心胷何玲瓏

多能吾所伏春流日夜急歸心難管束良會故已述妙
談何日復吳山嘉有餘爲君置茅屋頭白早歸來暮雲
無使矚

和忠子

牛車注經宗兩角那問虛舟移夜壑竹間掃除闔擊聲
戲作伽陀歌獨脚心波不興類古井情緣脫盡如遺籜
高笑癡兒倚富貴危如乳燕方巢幕已辨山藤待湖月
不把芒屨穿聚落安知沙門自有體全象紛然衆盲摸

要之行藏不屬人手自安然隨展握

和堪維那移居

世路驚風波山林知歲寒君看爭奪中忽覺深渺漫歸
來湘西寺兀坐依蒲團摩挲折脚鐺規以穩處安湘山
亦多態扶杖時游觀偶逢林下人班草一笑懽霜風水
痕落歲月難遮攔但覺領髭白不知知歲殘堪公故園
舊義膽見急難相逢開肺懷傾倒無餘殫所居隔聚落
日喜成嬾嬾作詩誇我賢寧知如玉冠遂分湘山翠茅

簷相對看往事都莫理有求真禍端飯罷口挂壁
發長歎暮寒因有雪爐暖且擅藥

送元老住清修

湘水有廬山蜀僧有吳韻無塵而俱清雪月夜相映書
癡喜借人香癖出天性垂涕撥黃獨糞火曾發晒三年
我東隣家顛開小徑一飯必招呼嘲之終不愠明朝趣
去我歲逼青陽近子已飽叢林件件無遺恨贈子湘源
春山窮春不盡

和杜司錄嶽麓祈雪分韻得嶽字

歲晚湘水濱黃塵似河朔江流涸欲盡鉞罌汲餘濁開
閨雙旌出千騎爍山嶽雪雲卷山去天宇獻遼邈嬌鴉
集風枝凍鶴時俛啄譚兵杜牧之賦詩果橫梁山雖非
故人識面亦已數文章固餘事正爾全三樂太邱令國
器譴議久揚權長吉有美才蘄然見頭角君看分韻詩
天力那容學嗟余老山林輩流殊齷齪寧料寒窘中見
此三卓犖和詩無傑句鈇澀費磨琢窮略似孟郊必劣

追韓偓

贈鄒處士

長沙人物秀而雅爭如絕致名天下率更之書更古今
鍾王筆蹟遭凌跨藏真草聖夢英篆齊已詩篇洞青畫
易生寶覺未暇數爾來鄒敦最聲價巨公要人邈已徧
戲盡寂音老尊者繩牀壞衲氣深穩霜須瘡面情閑暇
平生剛褊語忤世定知見此遭譏罵涼都貴人如玉叢
富貴熏天光照夜凌烟風姿劔拄頤妙手當煩爲圖寫

鄭南壽攜詩見過次韻謝之

砒砒世既以爲玉芝蘭那知不爲猶人間萬事醉不理
攜被來爲林壑游雪花成山過驚浪五展暮天開橘洲
篙師絕叫風掠耳蕭蕭兩鬢空颼颼松聲盤空上煙翠
顧陟佳處每遲留袖中出詩愕坐客涔蹄乃爾容吞舟
東坡句法補造化山谷筆力江倒流兩翁連聯竟仙去
暮年見子忘百憂念當明日江南路幕阜倚天佳氣浮
故人問我今何似爲道摧頽如慧球

次韻漕使陳公題萊公祠堂

萊公少年日逸氣生雲泉定策清東宮天子爲矍然奇
豪不世出獲一以當千親征功第一尚記破虜年想見
和易姿垂柳春風前我公嗣前列剛特才亦全方持使
者節眉宇秀而淵高樓獨自登愛公能補天高情弔陳
迹妙語吐新篇如風行水上渙然成漪漣乃心在王室
何時朝日邊正坐霖雨手豐年自留連何必羨遺關公
自當濟川

次韻經蔡道夫書堂

書堂山崦西微路經桑柘婉婉綠陰中
偃僂牽羸馬須臾將平川時過幽谿瀉源深
人家稀落日耕釣罷過墻傍修竹深處開
茅舍池塘遠軒窓秀露風清夜盃盤燈火裏
笑語茆簷下白酒瀉新糟醇醖如壓蔗酒酣
面發赤箕坐談王霸排斥出忌諱怪語令人
怕野僧舊不懽癡坐相嘲罵但作鶴腦側
思歡殆無暇夜闌乞新詩自愧非作者張燈
掃西壁把筆強驅駕萬景每騷縱此夕

偶相借遂令諸子惟一一如圖畫

吳子新重慶堂

吳氏季子世不乏子孫魁壘特秀發人言才業任世重
更覺文章有家法奉親作意構華堂想見青紅濕窻闥
堂中二老鬪康強夫婦承顏薦壽觴鳩來兒姪俱登第
舉族請名重慶堂富貴鼎來推不去道德照人間里光
富公玉食由及養范公諸郎盡卿相親養子榮無有德
家聲置公范富上虛簷風月夜未央艷莊成輪發清唱

金鴨香清碧縷飄
燈前玉頰醉紅潮
一尊滿勸何所祝
盛事要看追八蕭

題嶽麓深固軒

湘西峯頂寺樓閣
藏煙翠危臺占家
顛小軒寄幽致游
人常不到石壁照
溪邃於世復何求
此生眠食耳條然
亦何有蒲團空曲
几凭高俯城郭車
馬環磨螳城郭望
諸峯時見孤雲起

贈別通慧選姪禪師

選本住山人精進激情懶規模如乃翁鐵喙石肝膽豈
特七閩英蓋亦叢林揀子少長庚曉我老碧雲晚相親
出數面別袂聊一挽是非一言足勃窣百事辦分攜青
蘋灣相對秋滿眼

中秋夕以月色靜中見泉聲幽處聞爲韻分韻
得見字

夜清成水宿月出波灑灑那知是中秋老眼欲淒眩此
生天地間飄泊如蓬轉鳩來泊湘瀕此月凡七見冰輪

上天衢萬里不知遠
夜深度明河輪側明
河淺西樓欲吹笛
餘聲落哀怨關到月
脇寒露紛滿面
林光潑流泉
天大微雲卷
阿崇具紙筆
摘亦磨破硯
詩成月華清
幼婦與黃絹

鄧循道分財贍族湘陰諸老賦詩同作

卜式與弟背如塞
無底竇其愛止弟耳
親舊竟何有二
疏得賜金盡以散
親舊但可施一時
安能繼其後
然於簡編中
耿光白如晝
鄧侯功名姿
穎脫蓋天授
分財贍

族人約券規永久君看純孝心履狶先履瘦紛紛窶人
子懸鵲露兩肘雨雪抱兒女扣門易升斗鄧氏豈無貧
炊烟滿蓬牖安知寒微中不復生竒秀陰功雖無形報
應捷於口此風起頽俗能使薄者厚作詩附家傳想見
爲拊手

贈陳靜之

仙郎如驚鸞風格殊秀整文章體自然五色麗雲錦紛
紛少年場英氣橫筆陳家聲盛漢魏未暇數唐晉元龍

持豪偉太邱苦剛正相逢黃卷中
崔嵬山嶽峻君當世
其家已見逸羣駿笑談不自覺
滿坐湖海韻富貴率致
身華裾宜綠鬢功名偶然耳
何必以身徇未近翠雲裘
先看班玉筍

弔性上人真

漆瞳照人韻拔俗平生直性如劈竹
世情好惡我不知
是是非非一言足昔年訪道辭七閩
丹青生此身外身
要將留悅倚門意此心亦是酬慈親
慈親未老身先逝

夢境悲歡成一戲展開靚體露全機
偏塞虛空何處避
宣和七年重陽前四日余自長沙還鹿門過荆

渚謁天寧璋禪師留二宿作此

孤城渺湖天長隄篆湖水柳衙行未窮已過沙頭市連
檣來萬艘荻叢出千雉節物近重陽風日正清美忽驚
樓閣開寶坊墮平地璋公十年舊出迎一笑喜闕夜及
湘山歲月入歎喟茲行歸鹿門已作終焉計不辭信宿
留愛子多故意說禪有家法翻手了千偈鐵脊敵魔外

宗風永零替我留固隨緣思歸亦偶爾爲君賦新詩萬
象困朝戲去留未用較吾生真一寄

瞻張丞相畫像贈宮使龍圖

天下張荊州乳兒識名譽醫國陸宣公護法崔元度平
生風雷舌咳唾作霖雨隔闕餘十年一旦成萬古羊曇
欲作慟生存華屋處支道亦傷心路偶經姚塢賴有克
家子春色連眉宇君看談笑時亦是榦國具會看如乃
翁獨立無喜懼文章有種性家法致工主此詩公應聞

想見笑掌拊

初到鹿門上莊見燈禪師遂同宿愛其體物欲

託迹以避世戲作此詩

上莊俯漢江古木雜桑柘槐衙陰廣陌麥浪漲平野連
雲對困廩用谷量牛馬我來二月破解鞍綠陰下縱望
烟霏中領略見楮瓦耆年骨柴崖迎客意傾寫干戈爭
奪餘身在相驚詫山空啼杜鵑龕燈自清夜斂眉問儋
州亟口談江夏以余遊二公老大知識寡暮歸逢醉人

往往遭捶罵鹿門有餘地賢矧如君者爲連修竹林規
以構茅舍伏春舊所能犁鋤當學把相見水過膝蓑笠
清入畫

游白馬寺逢安心上人

繖蓋山前曾卓錫晉安王初造禪室水火定成人未知
部曲不前馬辟易牀邊卧虎如睡犬王雖及門不敢入
冰雪親瞻道德容再拜平生願心息兩泉俱出雌雄龍
玉殼靈龜蛇五色聰禪笑傲賢王喜魚龜乃能就掌食

高風乾沒五百年依舊雲山如夙昔雨中來遊春已老
忽見江南少年客坐中偶生鄉井心想見禪山倚天碧
清境幽閒欣可名偶然得句因題壁

雪夜與僧擁爐僧曰聞唐劉叉賦雪車冰柱詩
爲退之所賞願聞其詩予曰忘矣僧請續之

口占以授

雪車比毛車弱水誰欲度飄然凌空去中疑載青女闕
風爲通衢走轂不容馭大勝短轅犢更煩長柄塵闕

廣寒宮構基非下土
天公亦薄相鏤冰以爲柱
傍闕
銀牀誰與揮玉斧
仙妃倚之笑疑是漆室女

石門文字禪卷七

欽定四庫全書

石門文字禪卷八

宋 釋覺範 撰

古詩

送賢上人往太平兼簡卓首座

我昔遊潛山空翠插晴煙至今清夜夢猶能歷層顛天
柱如玉立貴氣朝山川下有童師廬雜遝皆竒賢卓途
龍山子靖深波間蓮近聞亦分座道眼照人天道人使
吳來衣裊餘芳鮮願求竒嶮句庶使大法傳一拳無背

觸何處見靈源

送一上人

子從大梁來會我秦淮道十年三度別此別吾甘老學
道如牧羊敗羣者則鞭一切但仍舊自然常現前子初
不衣綿而今便故絮山舟日夜逃美貌豈長住時至不
相待勿恃骨肉間要當自努力譬如人上山

游龍王贈雲老

正中妙叶百怨門寶鏡孤風天下聞緇州道價直乾坤

毛骨真是延公孫揚廣山頭草木熏公獨深密護靈根
衲子雷動雲崩奔暗中明露涇渭分醉李有叟笑臉温
膽大三世一口吞枯木能花爲誰春春光化爲吳山雲
卽今住山典刑存木蛇且無刀斧痕我游山隈野水濱
松間見之鬢爲掀留我更宿聽啼猿人間行役膏火煎
公特見戲非誠言頽網已墜引手攀乃欲奔走鞭短轅
要當努力續烈燄大興洞上追曹源

三月二十八日棗栢大士生辰二首

大千微塵偈章句妙難求公爲疏通之如海決江流堂
堂鬚垂膺漆點橫清秋十虛圓當念三世集毛頭平生
說禪口想見光迸浮世間眼久滅法寶空海洲年年春
欲暮禪室清香留迷途指南車戴恩負山邱願從清涼
山威光作依投行當方山見跬步披衣裘

思慮不及處但曰刹那際不曰刹那際寧當有三世於
此刹那中尚不容擬議安得有死生一切諸怖畏苦樂
欣厭情及分心境異是名顛倒想不名隨順智如人游

夢中所歷經千歲及其夢覺已不過食頃耳稽首願悲
幢發此不傳祕願分無盡燈酬此四宏誓

送常上人歸黃龍省侍昭默老

心花發明照十方死生窟宅無隱藏此老唾笑生馨香
法中骨髓僧中王平生一子傳餘芳譬如少林有神光
只今孤憤昭默堂天魔外道走且僵夢寐想見猶清涼
沉子徑歸待其傍明日扁舟浮渺茫我不得俱空歎傷
但餘一句煩寄將幕阜山前為舉揚仰山久不見臨濟

瘦損法身三尺長

運禪人求偈

石室如仄磬春雲如翠被
脩然無事僧來此時枕臂無
求即無憂有身還有累
永懷彭尊宿一席曾遁世
天子不得臣公卿不敢致高風
不可攀百世猶興起運禪佳
少年杖錫成戾止偶從城郭來
衣裊滿空翠覓歸如子規
掉頭須去耳山林與聚落
蜜無中邊味子心有分別
動息若差異錄以贈其行
不語開笑齒

餞枯木成老赴南華之命

正中妙叶如何會羅仙隱身露衣帶芙蓉克家桐城孫
海上閒名聞至尊天書夜到道林宮大鐘橫撞山玲瓏
山容光澤鳥聲樂一番佳氣生巖叢曹溪寶林甲天下
樓觀翔空盤萬瓦夢中先已逢祖師異世曾同香火社
人言骨清辟瘴霧隘詞一律撩人怒大陽直褫果有靈
所至自有天龍護寄語山頭錫杖泉久枯遽湧寧非天
老師不作奇特想已脫聖凡情量纏

送禮禪歸臨川

已披出世衣影莫落塵俗何山無叢林棲息一枝足奈
何清淨心甘受熱惱毒譬如伏握馬心不忘馳逐又如
火鐵丸氣燄不可觸禮禪客湘山山翠在眉目蓋嘗視
此輩高笑一捧腹今亦欲還鄉當戒前車覆吾聞真實
心不受罪與福精進緣不懈此語君勿恧

送頴街坊

水西南臺小精廬名雖是律禪者居粥魚茶板如指呼

履聲童首鳧鴈趨分身香積太闊迂食時至則當持盂
養師反哺如烏雛荷衆司更如鴈奴逢人若問明白老
爲言病起加清癯

寄南昌黃次山

次山心地平如鏡照海照毛無少賸劉公訶之昏霧蒙
張公磨之復清瑩張劉皆是善知識大黃甘草各醫病
驚起荷山大字遂玲瓏撞鐘山答應夜燈午梵賽心願
望歸引領如鶴頸一朝骨祖在面前笑不成聲兩目瞪

小兒化去聊折災婦翁告殂適其命但得夫妻各身健
回觀閣中夜鳴磬欲知成佛妙法門不與人爭是捷徑

寄題紫府普照寺滿上人桃花軒

武陵源深並溪入無數挑花鬧春色水面紅雲欲崩壞
波間爛錦光相射昔人誤行偶見之歸來醉眼眩紅碧
秦時雞犬不聞聲但覺曉窻煙霧白那知紫府亦仙源
此華萬樹燒晴川少年苾芻誰教汝照花作意開幽軒
靈雲說悟被花笑南泉欺客花不言何如睡足無一事

倚欄紅雨春風顛愁來想見故山路未歸先作山中篇
宋迪作八境絕妙人謂之無聲句演上人戲余曰
道人能作有聲畫乎因爲之各賦一首

平沙落鴈

湖容秋色磨青銅夕陽沙白光濛濛翩翩欲下更嘔軋
十十五五依蘆叢西興未歸愁欲老日暮無雲天似掃
一聲風笛忽驚飛羲之書空作行草

遠浦歸帆

東風忽作羊角轉坐看波面纖羅卷日脚明邊白鳥橫
江勢吞空客帆遠倚欄心緒風絲亂蒼茫初見疑鳧鴈
漸覺危檣隱映來此時增損憑詩眼

山市晴嵐

宿雨初收山氣重炊煙日影林光動蠶市漸休人已稀
市橋官柳金絲弄隔谿誰家花滿畦滑唇黃鳥春風啼
酒旗漠漠望可見知在柘岡村路西

江天暮雪

潑墨雲濃歸鳥滅魂清忽作江天雪一川秀發浩零亂
萬樹無聲寒妥帖孤舟卧聽打窓扉起看宵晴月正暉
忽驚盡卷青山去更覺重攜春色歸

洞庭秋月

橘香浦浦青黃出維舟日暮柴荆側湧波好月如佳人
矜誇似弄嬋娟色夜深河漢正無雲風高掠水白紛紛
五更何處吹畫角披衣起看低金盆

瀟湘夜雨

嶽麓軒窗方在目雲生忽收圖畫軸軟風為作白頭波
倒帆斷岸漁村宿燈火荻叢營夜吹波心應作出魚兒
絕憐清境平生事蓬漏孤吟曉不知

烟寺晚鐘

十年車馬黃塵路歲晚客心紛萬緒猛省一聲何處鐘
寺在烟村最深處隔谿脩竹露人家扁舟欲喚無人渡
紫藤瘦倚背西風歸僧自入烟蘿去

漁村落照

碧葦蕭蕭風漸瀝村巷沙光潑殘日隔籬炊黍香浮浮
對門登網銀戢戢刺舟漸近桃花店破鼻香來覺醇醲
舉盞就儂博一醉卧看江山紅綠眩

汪履道家觀雪鴈圖

水落陰湖洲渚生風折敗荷枯葦莖白沙鑿鑿墨雲重
熟視滿空翻玉英湖邊兩鴈誰教汝穩卧自多高世情
惠崇逸想巧圖畫定應愛汝夢漏清

頴臯楚山堂秋景兩圖絕妙二首

一鷗低飛落平湖一鷗驚顧行烟如紅衣脫盡蓮蓬綠
翠蓋凋殘荷柄枯更有數蓬漉已老無人折之欲傾倒
陌上殘紅空自好為誰點綴湖邊草

溪邊兩鴨自夫婦生而能言似相語婦先浮波喜轉顧
夫欲隨之竟先去水際清蘋各占叢風撼荷花已退紅
不見清香雲錦段空餘霜葉伴枯蓬

和李令祈雪分韻得麓字

何處鞦韆叫雲木植杖松間逢白足一牛鳴地兩禪叢

窻戶青紅照林麓江寒雲怒相摹胡雪意欲作先停蓄
連空推下翻玉英想見軒渠笑捧腹

和李班叔戲彩堂

李侯何以悅其親戲著彩衣覓梨棗閑騎竹馬畫堂前
慈顏一笑自忘老毛義捧檄難忘客茆容殺雞終得道
愛公純孝配古人甚欲卜鄰安井竈

送隆上人歸長沙

湘中樂哉山水國道人歸去正秋色拭目重看雲蓋雲

搓手新嘗橘洲橘湘西幽居多故人松下相逢應倚策
開軒萬頃鴨頭青睡起一聲風月箔

六月十五日夜大雨夢瑩中

希夷先生海門住久不見之想眉宇夢中相見荔枝村
覺來一枕芭蕉雨行藏顧影應自笑世事吞聲不容數
從欲若士爲遠遊莫作雲中隱身去

予作海棠詩曰一株柳外牆頭見勝却千叢著
雨時寓居百丈春晴上南原縱望萬株浩如

海追前詩之失言相隨必芻請記其事

積雨分陰晦林光山色生精彩閑上南原看野棠
一川零亂紅如海柳外一株何足道戲語誇花今日悔
道人請我重賦詩倉卒煩詞為刪改

山寺早秋

千本蒼杉俱合抱夕陰相映寒蟬噪殘僧獨歸清入晝
秋色滿庭濃可掃霜鐘初歇月未生但覺篝燈一點明
塔除環珮走流水樓閣誦經童子聲

送僧歸雲巖

和氣津津出眉宇平生快活隨緣住憶昨思山林下來
如今却向城中去燕子初飛簾幕風海棠睡重清明雨
重唱龍山諸佛機紅塵動處雲成縷

至撫州崇仁縣寄彭思禹奉議兄四首

去年歲飢民減口晨無炊煙閒甑缶面餘菜色短氣中
經營有錢易升斗抱孫買鋤今歲豐黃雲攏穉村村同
東林鼓聲是誰致聰明慈惠隴西公

吏姦今古同一律邇來間見復層出一邑雀息行鏡中
公則生明無別術放衙下簾調索絃來禽青李浴清泉
吾儕呈押日課辦亦作岸巾相對眠

我年政如牧民術敗羣者去羊蕃息向來盜竊如有盟
飛躡垣墻度窻隙下車夜戶民不閉終夕四隣無犬吠
一懼醉倒不須歸以塲支頭路傍睡

爭歌來為民父母百里民心始安堵外臺選才第薦之
何必知賢奪而去當持馬足卧車轍報汝百年終有別

蹄涔不著橫海鯨簿書那容萬人傑

余還自海外至崇仁見思禹以四詩先焉既別
又有太原之行已而幸歸石門復次前韻寄
之以致山中之信云

北去憂如會澠口危甚相如跪瓦缶南歸喜勝脫鴻門
那卹范增撞玉斗筠谿野寺隣新豐亦與叢林魚鼓同
懸知他日君念我定作少陵尋贊公

脫桔寧知縛禪律但欲閉門長不出死禍平生九蹈之

痛恨防身苦無術此言了如意在絃此心烟如月臨泉
山中樂可驕稚世一榻暑風清晝眠

平生心懷濟時術百未一施空歎息庭閒晝永僧至門
心回酒醒月窺隙東方先生語開閉投骨心知致羣吠
千金珠在九重淵儻能得之必龍睡

飄零乳兒失慈母來歸家山在阿堵瘡痂烝洗百念空
但有詩情磨未去虛名實禍車覆轍道鄉端與人間別
膝穿木榻五十年君看此翁亦雄傑

信上人自東林來請海印禪師過余湘上以贈

之

五湖東歸風轉拖柔櫓聲中飛鳥過開蓬不信是廬山
忽驚落瀑從空墮道人箇中三十秋那知今始載歸舟
白藕池邊月初吐應對隣房說舊遊

忠子移居

忠子壁觀永皇暇移居自提雙不借借車祭竈非我事
可聽夜春響西舍人言渠儂大類我試手作詩便聲價

我詞勿學郊島寒
謫仙筆端能造化

楞伽端介然見訪余以病未及謝先此寄之

楞伽劇談喜高笑
一鉢安巢在雲抄
我游廬山二十年
聞名常多識面少
道林過我古南臺
路逢泥軟手提闕
臺輿瓦合今果爾
更呼隣僧相與來

次韻雲居寺

行盡崇岡與峻嶺
今朝又入綠雲徑
世塵已覺蛻埃輕
道心遂作燂雞淨
小軒容膝俯千里
磨錢作鏡江山映

平生林壑竟成癖南來獨覺茲遊勝

無學點茶乞詩

政和官焙來何處雪後晴窓欣共煮銀餅瑟瑟過風雨
漸覺羊腸挽聲度盞深扣之看浮乳點茶三昧須饒汝
鷓鴣班中吸春露

巴川衲子求詩

水西南臺底氣象綠疎青瑣湘江上門人俯檻看諸方
笑聲散落千巖響巴音衲子夜推門要識汾陽五世孫

問渠何所見而去峯高難宿孤飛雲

十月桃

雪中桃花夜來折兒稚犯寒爭欲摘老仙呵手撚吟筆
指以謂余還歎息已作忽忽十月開人間安得千年枝

李端叔誕辰

未見犯寒梅已有催春雨催春春未歸却有曇花飛飛
香塞世間何人知鼻處遙知與世且同波隨分盤飧付
兒女

卷八
雨後得無象新詩次韻

雨餘步林幽松風初到面寒蟬相應鳴小立無人見但
愛東南山色作旋螺轉入門庭院度飛螢梵放哀聲滿
深殿

用韻寄誼叟

識君童牙中豈止論半面雖同萬頃山經年不相見平
生草頭露蚌月跳珠轉永懷終夜不成眠但見突兀遊
霄殿

任价玉館東園十題

涵月亭

亭外物清曠人間多熱惱夜晴登此亭水月相媚皓多
君心鏡空光明寫懷抱憑誰持此意舉似寒山老

覽秀亭

尚記登臨時風日初盎盎忽驚無邊春登我眉睫上情
歡鳥聲樂意適游絲放我非連眉郎搜詩聊植杖

四可亭

四注開野亭面面可人意我來俯危欄蹇傲成縱倚應
接迷向背轉顧風掠耳隣寺一聲鐘墟落孤煙起

第一軒

名園富家致此軒冠羣目檻次狀元紅窓橫尊者竹坐
客定無雙試茶谷簾綠願聞聖諦義飛辯橫塵玉

如春軒

檻前搖綠玉杯面吹紅鱗主人飽談笑和風熏坐賓但
覺天宇迥塵滓欲清辰雖非曲水會自是斜川人

寒亭

欲問春消息蒼茫嫩日斜茅簷聚喧雀栗林棲暮鷓鴣絮
袍裹足坐得句往往佳忽起步微月呵手拗梅花

浩庵

水勝萬斛舟至剛柔繞指丈夫養浩然其略蓋如此朝
登青雲上正色決大事暮歸卧此庵捫虱口如耳

方便堂

虛空亦何有領略四時事君看繁盛時中有凋零意然

省可自觀那作明日計當游無所還自住三摩地

覺庵

念起則爲凡覺之則爲聖人言此爲覺此覺未真正但
了一切空聖凡皆幻影宴坐不言中心波如古井

鑒止軒

小軒臨止水一泓湛寒碧瞭然見眉須洞徹塵不隔夫
子作止觀涇渭不相入跣趺學僧禪諦視鼻端白

書華光墨梅

一枝已清妍
交技更媚嫵
見之已愁絕
那復隔煙雨
錢塘千頃春
想見西津渡
他日到南屏
莫忘孤山路

惠侍者清夢軒

小軒面層崖
叢蕉手自種
高風追二朗
生涯與師共
默坐每觀身
爐煙作雲湧
蕭蕭半夜雨
亦足清君夢

次韻性之

一笑形骸外
便能携手行
雲容與山靨
今日眼偏明
共坐松下石
仰聽松上聲
古人亦何遠
安用社中名

筠谿晚望

小谿倚春漲，攘我釣月灣。
新晴為不平，約束晚來還。
銀梭時撥刺，破碎波中山。
整鈎背落日，一葉軟紅間。

和杜撫勾古意六首

一尾掣電去，萬蹄讓雄長。
邇來隨磨驢，驅逐付廝養。
頓塵忽驕嘶，逸韻發竒想。
公眼如支遁，神駿蒙擊賞。
歲月走舟壑，不能老喬松。
何如取塵劫，安置彈指中。
我老世不要，閉關師道蹤。
自欣方得計，人笑伎之窮。

長松援丈蘿無事登青冥因緣偶然爾初非出經營我
受氣類似掄材置勿聽翟公亦癡絕書門議交情
午夢清斷續殷鬢飛蚊鳴微風亦見戲故掩讀殘經相
見洞天曉霧重花冥冥秀句吐竒麗乃爾未忘情
秋晚凋紅翠幽懷到眉峯玉纖弄彩筆落紙翩驚鴻道
山歸計好高情付疎慵何獨謝夫人特有林下風
暮年一杯春愁邊賴開拓醉鄉歸路穩城郭見隱約萬
事付頽然破憤風墮落曾次竟何有八憲洞空廓

了翁有書與謝無逸云覺範真是比丘

墮馬哭淮王牧羊仗漢節古人守忠義視死如棄襖吾
是真比丘死生見窟宅一飯不願餘孤坐閱歲月

題延福寺壁

在山為遠志出山為小草龍潛蟠則神雞雌伏知道人
情難把玩過眼如電掃留雲峯下寺白髮歸去好

棗栢大士生辰因讀易豫卦有感作此

人間解纜沙開視兒眼前鉢飯度永日一裘支十年月

巖與雲壑佳處輒留連誰云道林黠猶覓買山錢

次韻周達道運句

大澤深壑間難藏舟與山此身唾霧中安得長朱顏講
公如夙昔婁永嘗追攀定作甕中畫磨衲映青綸

次韻遊水簾洞

清夜讀君詩思豁神亦傾豈惟折慢幢要已倒降旌重
哦水簾句纖穠開畫屏想見落筆時遠紙走風霆

游廬山簡寂觀三首

廬山覺未老儼然舊風姿樹石亦仙骨逢春更華滋
瓜分煙翠層千丈垂白霓貪看讓爭席舍者爾為誰

蒼石大如屋古木出虬枝四注陰其下地坐黃冠師
山行倦日永聚話遂忘疲行看洞中境都是寂音詩

怒龍鬪未已角尾相攀牽巨石為解紛背腹遭虬纏
千年毒不死槎牙帶雲煙樹間宜畫我乞與人間傳

送人

相送復相別不異雲間月無心去復來有魄圓還缺
此

別興何如西風秋月初暮鴻千里至能寄八行書

別人

尺水未到海茲行多嗚咽病客未還家回腸蘊千結水
有到海期病客歸何時臨歧一揚袂落日寒風悲

信師相別

子昔送我日出岫雲無心今我捨子行窮猿暝投林勿
歌行路難勿效兒女泣處處得逢渠千江共一月

白日有閒吏青原無惰民為韻奉寄李成德十

首

李侯端自重不肯下南壁君看英特氣自可凌太白小
邑試牛刀乃有政和色

舉筆濡大千揮斤隘八極置之卧病軒翻身觸破壁起
來一調笑庭樹掛斜日

地生金色光女作師子吼此軒初不然風日穿窓牖莫
作兩頭看空花竟何有

客來清對榻客去閉深關聊為文字飲酬唱相往還朝

來公事少白日吏長閒

少年韻如春才可供十吏故人半青雲隱几肘門寐行
看登玉堂清坐追陸贄

竭來民訟少槐影覆閒庭看山久成癖詩眼耐空青長
憐謝安石箇中著娉婷

花光浮縣郭麥浪漲郊原吏散僧投謁詩成月上軒何
妨橫麈尾相對兩忘言

密室調絃索晴軒較畫圖檢書凭錦瑟背句遣奚奴一

懼同煮茗此興不能無

深原曉犂耕隔谿夜春簸竹間伊余行童稚供日課入
境觀化風親視民勤惰

單衣試嫩寒花下愛清晨不恨簿書惡何妨閒岸巾定
應懸睿想憂樂自同民

雨中聞端叔敦素飲作此寄之

但見杯中春潑面不知門外雨翻盆人間萬事一虫蚊
正恐卷羶為鼈飲何妨跨項作猿蹲此生隨處有乾坤

短李貌和髯似棘王郎耳熱氣如霓不知今日是何時
醉鄉城郭無關鑰世路風波太嶮巇且看相枕爛如泥
端叔見和次韻答之

俊詞方覺春照眼秀句忽驚絲出盆睡餘兩鬢尚殷蚊
行樂風軒須痛飲窮吟空屋笑愁蹲筆端浩蕩吐乾坤
落筆新詩敏風雨掀鬚豪氣劃虹霓侍兒扶掖醉吟時
靖節田園尋窈窕謫仙風味自嶽巖何如春甕揭黃泥

再和復答

道鄉是宅扶歸路法喜爲妻笑鼓盆
螭螟膽大敢巢蚊
遊戲秋毫鋒際立卷藏法界眼中蹲
自然函盖合乾坤
醉裏兩篇開爛錦雨前千丈挂彎霓
揚梅盧橘恰嘗時
自笑此生真逆旅人情何處不同巖
禪心且作絮沾泥

睡起又得和篇

幽夢驚回煙霧帳清泉起弄雪花盆
風簷斜日一區蚊
淮水雨開縈練淨鍾山雲卷露龍蹲
癡禪剛道屬乾坤
綠髮筆端能吐鳳雪髯曾次尚盤霓
道山歸去定何時

身外聲名徒暴曜
夢中憂患自臨巖
烏靴長恨浣塵泥
復次韻

句健未須纏法律
飲豪那暇較瓶盆
疾雷破柱一聲蚊
吟狂不覺跨驢穩
醉卧都忘對虎蹲
箇中別是一乾坤
八篇俊逸狂時語
五色光芒雨後霓
清吟要不負明時
嗟我拙詞傷弄巧
愛君難韻解平巖
且歌滑路雨成泥
晚歸自西崦復得再和二首

人歸西崦步翠麓
月出東峯湧玉盆
詩如琥珀妙藏蚊

摩頭長詠笑自語劃席冥搜卧復蹲筆端三昧撼乾坤

衆闕俯看旋磨蟻忠義平生貫日霓也知用舍各由時

闕處山川非設險笑中陷穽却藏巖此時擬議轆中泥

世事回頭驚破甌年華脫手墮空盆機鋒火聚不容蚊

闕未欲乘風去捫虱閑爲抱膝蹲掌中訶子是乾坤

闕寨詞鋒盤屈劔吸川酒膽倒垂霓脫巾露頂笑狂時

任意清閒飢得食關心名利醉登巖濁流心念已澄泥

肇上入居京華甚久別余歸閩作此送之


毳帽駝裘一尾輕半開便面氣如春醉歸穿市月隨人
此境要非吾輩事摩頭忽憶海山濱蕨芽荔肉齒生津
十分春壓能眠柳一再風撩解笑花故山應摘雨前茶
從我覓詩如觸鹿為君肥字作棲鷗句中有眼莫驚嗟

送因覺先

南澗茶香咲語新西洲春漲小舟橫困頓人歸爛熳晴
天迥游絲長百尺日高飛絮滿重城一番花信近清明

妙高墨梅

日暮江空船自流
誰家院落近滄洲
一枝閒暇出牆頭
數朶幽香和月暗
十分歸意爲春留
風撩片片是閑愁



石門文字禪卷八

欽定四庫全書

集部

石門文字禪卷九
十九

詳校官庶吉士臣汪彥博

侍讀臣孫球覆勘

覆校官庶吉士臣毛鳳儀

校對官主簿臣郭祚熾

謄錄監生臣楊其梓

欽定四庫全書

石門文字禪卷九

宋 釋覺範 撰

排律

次韻曾侯見寄

客食石門寺而今僅兩年
衰遲嗟我老邂逅識君賢
聖域人稱亞儒林秀譽先
未擅攀桂手已許買山錢
壘麥秋期近庭槐書影圓
方思歸去日忽得寄來篇
意合蒙推獎情親出愛憐
格幽凌雪勁詞錦照人鮮
把玩欣無

厭行吟却悵然句追工部袂氣拍翰林肩世已驚殊異
名宜改半千永懷風露重遠徧舊池蓮

王舍人路分生辰

貴出賢王裔宗連母后因秋容漱毛骨春色照簪紳報
國忠誠著驚人句法新慣看青禁月屢夢玉關塵博古
知無敵窮經亦絕倫後宵通七夕今日是生辰佳氣凌
湘浦非煙壓楚閩綠醺浮白螳綺席繞花輪壽綴諸天
獻詞容野客陳不凋蟾窟桂難老海山春已作瞻雙闕

行看據要津功名先入手圖畫在麒麟

閻資欽提舉生辰

節序春將半風光過上旬人間識英物地上見麒麟
凍雨晴還暗非煙夜達晨
懽聲動湘楚和氣滿簪紳
孝友疑無比恢疎亦絕倫
一身渾是德終日不違仁
夢已游青禁行當侍紫宸
立朝知大體博古見全醇
詩妙終聯鼎文高類過秦
公廉清似玉剛正凜如神
幙下名流集堂中綺宴陳
貫珠歌白雪浮蟻皺紅鱗
自幸承顏舊仍

容造膝頻何時渡弱水同看千洲春

陳奉議生辰

華國生賢俊江山孕秀靈
鳴頭淦水綠螺髻玉筒青
敏捷收科第竒豪見典刑
咲談回暖律詩句挾風霆
官偶求彭澤才宜在漢庭
麒麟橫逆氣鸞鷲歛修翎
民訟多間日棠陰自滿亭
浪傳書課奏須看鼎彝銘
仲夏逢佳節非煙聚杳冥
數棠餘一葉推道問千齡
阡陌登豐後笙歌爛熳聽
綺筵環妙麗壽竿捧娉婷
歡洽連更燭情

高促畫屏九衢花照夜萬井月開扇風颭銀河動天驚
玉露零三台星密處旁有老人星

次韻曾伯容哭夏均父

青松傲霜雪事悞亦迤邐或脫斧斤厄則遭藤蔓纏北
渠材礪礪聳壑色芳鮮不作干楹棟終爲萬斛船那知
過華屋長慟搖空鞭增擊疑仙去超搖棄我先但餘殷
枕淚無復對牀眠憶昨游滙浦曾同上紫烟春光隨杖
履咲響落雲泉尚想登臨處仍哦唱和篇暗驚生死隔

默數十三年臺憲登羣彥秋風吹一鷗誅姦志未舍謀
國疏空傳醉馭毛車度雅推日轂旋歲時嗟易得力命
古難全報施徒云爾功名信偶然清忠光竹帛英氣歛
山川哭子如臨敵當勾失短鋌

五言律詩

湘上閒居

夜清暑雨過四壁草蟲鳴一枕幽人夢半窓閒月明
摧頽宏法志老大住山情忽憶陳尊宿宿編蒲度此生

西齋書卧

餘生已無累古寺寄閑房睡足無來客窓空又夕陽叢
蕉高出屋病葉偶飄廊起探風簷立飛蚊鬧晚涼

秋夕示超然

夜色已可掬林光翻欲流一鈎窺隙月數葉攪眠秋清
境扶歸夢殘缸替客愁搜詩時畫席忽覺此生浮

早春

山中春尚淺風物麗煙光潤草殷勤綠巖花造次香浮

根爭附絡細葉正商量好在幽蘭徑無人亦自芳

送僧還長沙

去袂不容挽子規真滑唇烟村相送處風物更撩人麥
浪空翻日花房尚鎖春遙知到湘浦盧橘恰嘗新

次韻真覺大師瑞香花

淺色鬧花堂清寒熏夜香應持燕尾剪破此麝臍囊有
恨成春睡無人見洗粧故山煙雨裏寂寞爲誰芳

次韻詎叟悼性上人

井美泉先竭犀殘角有通斯人難再得陳迹已成空塵
尾夢應寄楞伽寫未終平生說禪口不見怒號風

除夕和津汝楫

今夕亦常夕人偏故國思不堪搓凍耳聽誦未歸詩家
室誼譁後深簷雨雪時爐香待清旦此意有誰知

啓明軒次朗上人韻

澄滓動精色開軒萬象分光無回避處眼自覆藏君霞
縷縈經軸煙絲滅篆文箇中無贖語題目是先聞

回光軒

暮色眩紅碧登臨聊倚欄日終猶返照坐穩可深觀夢
幻諸緣寂圓明一顆寒洞然無向背莫作轉頭看

次韻黃元明

靜室依清几開書映隙光悟迷初不隔語默故難藏妙
可忘情會深無以意量臨機辨神駿正要略玄黃

寓鍾山

生涯如倦鳥栖息此山中睡足誰呼覺烟消篆已空翻

經欺眼力斜日借窻紅卧聽銅瓶泣青松萬壑風

讀中觀論

平生智眼濁塵劫著心深長向環輪上空將始末尋十
方真寂滅一念去來今妙關調琴指知誰解賞音

對雪嘗水餅

雪粲羅敷喜報春呈舞腰旋風寒正密到地暖還消輕
薄凌梅藥蹁躑攪柳條幽欣賞水餅舉箸一長謠

清明前一日聞杜宇示清道芬

籬外花如海，閒軒小寢驚。
最先聞杜宇，更覺近清明。
雲怒必爲雨，風和拗得晴。
阿芬甘劣我，笑裏恰詩成。

閒門

杯飯終永日，一裘支千秋。
餘生已無累，此外復何求。
懶出門常閉，欣眠榻可休。
拋書方手倦，啼鳥破深幽。

四月十一日書壁

夜久茅齋靜，塔泉遠珮鳴。
行高人莫識，道遠自深明。
掃榻酬閑味，依蒲任性情。
叢林終不負，一衲傲平生。

次韻雲庵老人題妙用軒

開軒閒隱几萬象競趨陪
風揭松聲去雲推山色來
觀身真作夢視世一浮埃
日暮庭陰轉幽禽接翅回

讀瑜伽論

此生已無累一席可窮年
細嚼寶公飯飽參彌勒禪
懶修精進定愛作吉祥眠
夜久山空寂唯聞遶砌泉

鍾山有花如比丘狀出穠葉間
王文公名爲羅

漢花僧請賦詩

通力元無礙隨緣自應真此生花上露故現葉間身知
見幽香在伽黎翠色新一枝聊把玩未愧鷲峯人

寄題行林寺照堂

聞說行林寺杳然叢秀間堂清開水鏡山好理烟鬟有
霧窻呵暗無塵扉自闕人牛今不見蓑笠兩俱閑

與性之

物外不可必相看一笑休好山終入手墮甌懶回頭知
復何時見聊爲此日留定難瞞道眼得喪兩浮漚

僧求曉披晚清二軒詩二首

披衣汲南澗落葉在庭除
獨立無人見幽行偏自如
嫩寒冰齒頰精色到衣裾
却倚蒲輪坐橫看貝葉書

旋螺堆空青重疊不容數
夕陽穿貫之濃薄自呈露
數點沒煙鴻一聲伐雲斧
殷牀鐘未消流螢自開戶

春日谿行

側布寶坊地白沙揚柳灣
憶曾嬰死禍不自意生還
已覺無鄉夢今真是故山
谿花眠霧雨春在有無間

送僧歸故廬

投名新入社，卧病偶思歸。
渡澗脫芒屨，扶藤下翠微。
寒松猶帶雨，瘦骨不勝衣。
若見翁鑽紙，當施百丈機。

焦山贈僧二首

白下門連寺，清游入夢中。
骨驚誰嚙指，世事謾書空。
梵行芙蓉淨，天寒晝火紅。
曉窻應破夢，卧聽烏呼風。

對牀聽夜雨，佳約是當年。
放曠隨緣去，開心不習禪。
倚蒲趺足坐，擁衲蓋頭眠。
今識君歸處，齋餘有澗泉。

題反身軒

盡力覓不得歸來題反身平生未解沒寧解救滔人有
累路歧遠無求滋味親養心唯寡欲妙物久如神

宿本覺寺

一宿路旁寺霜清夢亦寒憶曾游覽處來覓舊題看病
衲成新塔層樓隱敗垣青山猶不老千疊似翔鸞

題芝軒

軒下亦何有靈芝駢秀生山川呈美瑞草木被光榮清

甚紫檀露色深黃菊英武陵續遺事應著此軒名

次韻王安道節推過雲蓋

秀傑長沙幕高才自敏強同僚推俊逸黼坐畏剛方慣
吐珠璣句宜便宴寢香秋來能過我聽雨夜連牀

題舍容室

斂足脫雙履閑房倚瘦藤百川朝巨浸一室納千燈至
味寧分別常光絕滅增剝塵彰帝網妙觀現層層

人日雪二首

今年人日雪更在末山巖瀉行想堆塚打窻時兩三夢
回清語默寒重壓衣衫面壁孤風坐知誰繼夜參
律管未回暖春先到曉巖與君清作對得月便成三秀
色報虛幌幽欣衲衫相看超語默覲露不須參

次韻周運句見寄

頑鈍世推鄙而君偏切磋借神觀有漏騎氣到無何昔
共飲臨汝今同家汨羅衡門似長吉軒蓋幾時過

重會雲叟禪師

氣味似前輩見之長眼明閑須研法味老不減詩情草
聖因蛇鬪禪枝解虎爭一堂聊寄傲疎快餞餘生

次忠子韻二首

湘雲刺世眼獨可著閑蹤鷗迥千尋雨江寒一再風旋
鑽新火後初脫夾衣重坐客經年別蘭芽茁舊叢

新秧翻翠浪青子退紅英穫麥風光近絡絲歡笑聲曹
騰幽夢破醞造小詩成好在歸來燕營巢占畫楹

和曾逢原待制觀雪

菟清寒妥貼寺近汨羅江夜迥疑生月夢驚聞打窻地
鑪無宿火經閣有殘缸起望兜綿界誰推墮陋邦

初過海自號甘露滅

本是甘露滅浪名無垢稱欲知遭鎖禁正坐忽規繩海
上垂鬚佛軍中有髮僧生涯何所似崖略類騰騰

早登澄邁西四十里宿臨臯亭補東坡遺

天下至窮處風烟觸地愁村鷺聞捉拗岸汁忽西流鳥
道通儋耳鯨波隔萬州趁雞行落月悽斷在蠻謳

過凌水縣

野徑如遺索縈紆到縣門
犁人趁牛日蚤戶聚魚村
籬落春潮退桑麻曉瘴昏
題詩驚萬里折意一消魂

揚文中將北渡何武翼
出妓作會文中清狂不
喜武人徑飲三盃不揖
坐客上馬馳去索詩
送行作此

蘭叢聚貴客花輪環侍兒
三盃吾徑醉四座汝爲誰
但覺眩紅碧了不聞歌吹
翩然上馬去海月解相隨

渡海

萬里來償債三年墮瘡鄉逃禪解羊負破律醉擯擲瘦
盡聲音在病殘鬚鬢荒餘生實天幸今日上歸艍

夜坐分題得廊字

一雨餞殘暑瘡痂蘇簟涼卧聞山果落起覺斛蘭香幌
內水螢入堦除露葉光知誰愛清境步履響修廊

出獄李生來謁出百丈汾陽二像爲示因而摹
之作此時即欲還谷山

一鉢寄城市皤然鬚鬢長
風埃窮百丈翰墨老汾陽
家在青松岸門連白鳥行
知誰施舟尾載我下沅湘

次韻周倅大雪見寄二首

萬瓦粲清曉披衣挂北窓
春先歸楚國誰獨釣湘江
瘴熟甘欺得詩嚴合受降
更憐風絮比想見髻鬟雙

白晝通紅火蕭蕭驚打窓
折綿寒未透兀夢睡先降
那敢犯詩壘自然摧慢幢
重看寄來句呵手剔殘缸

次韻邵子中學句出巡

安石性夷粹公今亦重遲追惟理髮處領略辦裝時高
節貫終始寸田齊坦熾功名恐未免才業係安危

次韻鄧公閣睡起

歸計寬爲約山行短作程旅亭驚午夢布穀正催耕翰
墨堪華國雲泉負此生一篇敘閑適細味有餘情

次韻衡山道中

嶽色墮馬首嵐光忽滿襟眼寒知意適句苦覺愁侵沃
野獻新綠殘晴釀晚陰天涯驚去鴈料理欲歸心

贈鄒顏徒

肉眼倒皮相高才多陸沉火知三日玉貧試一生心世
路多追逐雲山獨見尋聖賢酌古力勸子手勤斟

投老庵讀雲庵舊題拜次其韻二首

但覺意清淨不知山淺深年華暗凋落老境已侵尋三
世棲鐘舊一生香火心高風難補綴永愧壁間吟

道鄉歸路晚世迹陷泥深老死先通耗病衰今見尋規
摸高世意料理住山心月在孤峯頂凍猿時一吟

熏上人歸雲溪

聞道衡峯北寺當猿叫村夜樓千嶂月晝榻一溪雲我
慣蹈憂患君方蛻垢紛莫嫌林下石蘚浣褶衣裙

題使臺後圃八首

諦觀室

優入聖賢域湛然觀道真一身渾是德終日不違仁深
靜啼林鳥虛明見隙塵篆畦凝碧縷紅燼白灰新

賞趣堂

習次有邱壑笑談無俗氛幽懷常自得佳趣與誰論曳履尋花圃扶筇卓蘚痕地巖賓謁少却坐看鑪熏

會心堂

稱意有余樂幽歡常會心小山供賦詠危榭每登臨下視千峯月聊揮一弄琴尚嫌閑適少富貴苦相尋

阜安堂

禮義成風俗豐登民阜安此堂共僚屬把酒聽吹彈地富湖山美宵晴風月寒勝游無俗韻意適有余歡

戲綵堂

承顏忘勢位喜懼兩遲迴
堂上綵衣舞樽前笑靨開
金鏤應學探竹馬欲相陪
未必稱純孝高風獨老萊

獨秀堂

天質自竒峻千尋紫翠重
謾煩君獨秀不願掩羣峯
與客共秋晚搜詩到暮鐘
夕陰寒欲滴倚檻見纖穠

清音樓

霧暗軒窻失風高簾幕低
夜晴湘笛起樓迥嶺猿啼
凭

檻入如玉搜詩氣吐霓還驚一聲鴈翻影月平西

蒙齋

妙物雜而著深藏一默中誠爲反身樂蒙亦聖人功客
至風生塵吟餘月挂空莊周稱社櫟神拙意無窮

次韻李方叔游衡山僧舍

道鄉見城郭世路謾升沉寺勝增佳氣壁間餘醉吟僧
殘過客少山好爲誰深寧識通泉尉獨懷經濟心

次韻謁子美祠堂

顛沛干戈際心常系洛陽愛君臣子分傾日露葵芳醉
眼蓋千古詩名動八荒壞祠湘水上烟樹晚微茫

次韻達臣知縣祈雪遊嶽麓寺分韻得遊字

叢祠香火罷山寺偶同遊鑪撥紅金湧窓空碧縷浮旋
敷白氎布暖甚紫茸裘試作吉祥卧夢清如素秋

題夢清軒

小軒人不到脩竹過墻生眼倦經長掩身閑夢亦清微
風吹篆縷活火發茶鐺遙想佳眠夕蕭蕭雨葉聲

題一擊軒

閒把松枝篲掃除門徑塵驚聞一擊竹頓見十方身烟
翠連窓暗霜筠解籜新老禪構軒意應欲悟來人

次韻胥學士

筆下慣生春年高句法新還將吐鳳語來寄牧牛人敏
若盤珠妙深如社櫟神長哦答清境壁月上重闈

題曾逢原醉經堂

酌古有深意開編中聖人百家笑糟粕六藝飲全醇兀

若墜車適盜如浮蓋春淳于吞一石同味不同塵

隱山照上人求詩

落髮道林寺隨師家隱山萬緣都放捨一衲遂安閒
壁月照宵定金風掩畫關平生無媿業塵世許誰攀

龍山亦名隱山余宣和五年十一月中秋澣日過
焉有澣道人鴻公乞偈爲作

迷路不知遠但知寒日斜過溪逢菜葉西崦有人家
斫額驚來客拄鋤方種畝鴻禪効古者當効此生涯

游靈泉贈正悟大師

支徑入山寺雲林如見招
小軒臨絕壑危閣礙層霄
瓶泣地罏暖屋晴巖雪消
大師京國舊放意話州橋

七月初九夜坐西軒雨止月出不勝清絕

夜雨止還作小軒清有餘
暴寒吹客夢殘響滴堦除
明滅青燈在簾櫳壁月孤
故山歸未得千里漫平蕪

甲辰十一月十二日往湘陰馬上和季長見寄

小春二首

雨暗書雲節梅偷破臘春里問相餽餉風物近袁筠吳
語知無伴楚衣聊試新忽驚身是客流落老湘濱
風埃九十里霧雨濕駝裘過回詩眼江寒聚晚愁魂
清方怯雪句冷更含秋殘岸連孤嶼依稀似橘洲

題閱世軒

江水似人世倚欄歸思多無窮流歲月可畏易風波
與老僧看不妨閑客過爲君聊借榻清夢到無何

雲庵生辰

探手取空劫瓜分破一塵洞然無空缺獨立不鮮陳試
問聲前見何如頂後親死生浪遮掩漏洩是今辰

次韻濟之和劉元老偶成之句

世亂驚流落名高子可依元龍謝襁負叔治冒重闌黃
屋方回望青山敢問歸三橋伏道几應嘆眼中稀

贈成上人之雲居

天上歐峯寺人間無事僧偶從白沙岸步入碧螺層服
匿連空鉢敷羅挂瘦藤遙知雲起處一室掩香燈

四月二十五日智俱侍者生日戲作此授之

與佛同生月猶遲十八朝參禪唯自肯求法轉相遼谷
響千斤重虛空五采描布毛吹起處豁爾萬緣消

謝大瀉空印禪師惠茶

鐘鼓五千指翔空樓殿開不知大瀉水何爾小南臺讓
子鉏斧信閒禪春露杯故應念岑寂先寄出山來

愈崇二子求偈歸江南

人笑南臺小難安十八僧日貧因日富宜減不宜增忽

去兩禪衲如分一室燈牀寬齊頂禮睡快免相憎

曹教授夫人挽詞

禮敬良天性求賢比孟光搢紳聞懿淑閭里發慈祥饌
按今誰舉山衣尚篋藏榮名增史牒有子類鸞皇

贈尼昧上人

不著包頭絹能披壞墨衣愧無灌溪辯敢對未山機未
肯題紅葉終期老翠微余今倦行役投杖夢煙扉

興闌

春晚忽凭檻滿眸佳景來
鴨頭波蕩漾螺髻色崔嵬
苔嫩錢無數花殘錦作堆
一甌雙井釀何必酒盈杯

與海兄

春寒真料峭久客厭江城
雲重欲爲雨風和尚未晴
意隨飛鳥去事逐亂埃輕
畢竟閒居好煩君念此情

題靈鷲山

側徑入招提回峯據極西
雲虛籠殿閣地僻絕輪蹄
啼鳥棲高木飛花泛碧溪
誰當學龍濟垂手接羣迷

燈花偶書

岑寂一閑僧，春宵清興增。
竹窓催夢雨，蘭室對祥燈。
世事知虛幻，人情剪愛憎。
短長都分定，不恨百無能。

懷友人

不見隣峯友，還同楚越遙。
每勞孤枕夢，時過小溪橋。
凭檻疎簾卷，臨風細雨飄。
何當奉一笑，令我此情消。

賦竹

龍孫盈檻秀，天柱聳雲奇。
陰鎖安禪石，根侵洗硯池。
瓏

搵伸粉節偃蹇鬱蚪枝敢謂挑蕪李羞隣雪後姿

早行

失枕驚先起人家半夢中聞雞憑早晏占斗辨西東
轡濕知行路衣單怯曉風秋陽弄光影忽吐半林紅

賢上人覓偈

懶修枯骨觀愛學文字禪江山助佳興時有題葉篇
相逢未暇語輒復一粲然豈須究所學覓偈亦自賢

黃蘗佛智

道譽聞寰宇光華照錦江祇園居第一佛智果無雙鳳
闕帝恩厚拓庭禪將降僧中真領袖傳法瑞堯邦

題瀉源

臨機不墮照如水已知源從此常流出其聲離語言
沙嗟意馬捉月笑情猿若解提空印休登立雪軒

石門文字禪卷九